

Naalakkersuisunut ilaasortassamik toqqaaneq

(Naalakkersuisut Siulittaasuut)

Saqqummiussissut

(Naalakkersuisut Siulittaasuut)

Matumuuna siulittaasoqarfik qutsavigissavara Inatsisartut ullumi ataatsimiinneranni oqaluuserisassat saniatigut Naalakkersuisut katitigaanerannik allannguissamut inassuteqaammik saqqummiussisinaanera periarfissimmagu.

Ilinniartitaanermut, Kultureqarnermut Ilageeqarnermullu Naalakkersuisup Ane Lone Baggerip ullormi 31. juli 2020 Naalakkersuisunit tunuarniarluni nammineerluni peqqissutsini peqputigalugu kissaateqarsimanera tunngavigalugu Naalakkersuisut ilaasortamik ataatsimik ilaneqarnissaannik Naalakkersuisut Siulittaasuut kissaateqarpoq. Malittarisassat malillugit tamanna Naalakkersuisut siulittaasuata Naalakkersuisunut ilaasortanik qinigassanik amerlassusilikkanik aqqisigut taasanik Inatsisartunut inassuteqarneratigut pissaaq.

Inatsisartut Naalakkersuisullu pillugit Inatsisartut inatsisaanni § 22, imm. 3 kiisalu Inatsisartut Suleriaasianni § 5, imm. 3 malillugit Naalakkersuisuni ilaasortatut uku toqqaarneqassasut inassutigaa:

- 1) Vittus Qujaukitsoq Nunatta Qitornai.
- 2) Jess Svane, Siumut.
- 3) Karl Frederik Danielsen, Siumut.
- 4) Steen Lyngge, Demokraatit.
- 5) Jens Frederik Nielsen, Demokraatit.
- 6) Anna Wangenheim, Demokraatit.
- 7) Jens Immanuelson, Siumut.
- 8) Martha Abelsen, Siumut.
- 9) Katti Frederiksen, Siumut.

Inatsisartut Naalakkersuisullu pillugit Inatsisartut inatsisaanni § 23, imm. 1 naapertorlugu Naalakkersuisut akornanni suliat agguataarneqarneri immikkut nalunaarutigineqassapput.

Inassutigisanni takuneqarsinnaasutut Naalakkersuisut siulittaasuata saniatigut Naalakkersuisuni ilaasortat arfineq sisamaallutik ingerlaannarnissaat kissaatigaara.

Taamatut oqaaseqarlunga Naalakkersuisut katitigaanerat pillugu siunnersuut Inatsisartuni oqaluuserisassannagortippara.